

JAVNO PREDUZEĆE «VODOVOD I KANALIZACIJA» d.o.o.
ZENICA
Direktor preduzeća

Broj: 105-12271-2/21MS
Zenica, 28.09.2021. godine

Na osnovu člana 110., a u vezi sa čl. 100., stav 2. Zakona o javnim nabavkama ("Službeni glasnik BiH" broj: 39/14), te u skladu sa čl. 26. i 27. Statuta Javnog preduzeća «Vodovod i kanalizacija», VD Direktora Javnog preduzeća «Vodovod i kanalizacija» d.o.o. Zenica donosi

O D L U K U

o obustavljanju postupka za nabavku usluga ispitivanja i mjerenja komfora radne sredine u radnim i pomoćnim prostorijama preduzeća za topli i hladni period

I

Obustavlja se postupak javne nabavke za nabavku usluga ispitivanja i mjerenja komfora radne sredine u radnom i pomoćnim prostorijama preduzeća za topli i hladni period, putem konkurentskog postupka, objavljenog na portalu javnih nabavki, dana 30.07.2021.godine, pod brojem: 439-7-2-345-76/21, radi žalbenog postupka pokrenutog od strane ponuđača „Rudarski institut“ d.d. Tuzla.

II

Postupak javne nabavke se obustavlja do okončanja predmetnog žalbenog postupka. U skladu sa konačnim ishodom po izjavljenoj žalbi, ugovorni organ će o nastavku postupka javne nabavke obavjestiti sve učesnike u postupku.

III

Ova Odluka stupa na snagu danom donošenja i ista će biti objavljena na web stranici Preduzeća: www.vikze.ba.

Obrazloženje

Dana, 27.09.2021.godine ponuđač Rudarski institut d.d. Tuzla dostavio je ugovornom organu Žalbu na Odluku o izboru najpovoljnijeg ponuđača broj: 105-11585/21DŽS od 14.09.2021.godine za javnu nabavku ispitivanja i mjerenja komfora radne sredine u radnim i pomoćnim prostorijama preduzeća za topli i hladni period, broj: 653/21 od 23.09.2021.godine.

Ugovorni organ je izvršio uvid u spis predmeta, te je utvrđeno da je predmetna Odluka o izboru najpovoljnijeg ponuđača žalitelju dostavljena dana 15.09.2021.godine putem e - maila, istog dana je upućena i poštom na adresu žalitelja, te je također, dana 15.09.2021.godine objavljena i na web stranici ugovornog organa. U pouci o pravnom lijeku naznačen je žalbeni rok od 5 dana, računajući od dana prijema Odluke.

Imajući u vidu da je Odluka dostavljena žalitelju dana, 15.09.2021.godine, a da je žalba ugovornom organu dostavljena dana, 27.09.2021.godine, (predata na poštu dana, 24.09.2021.godine) žalitelj predmetnu Žalbu nije dostavio u rokovima propisanim u čl. 101. Zakona o javnim nabavkama, zbog čega je Ugovorni organ donio Zaključak broj: 105-12271-1/21 MS od 28.09.2021.godine. Navedenim Zaključkom se predmetna Žalba odbacuje kao neblagovremena. Imajući u vidu da je prema članu 100. Zakona o javnim nabavkama u konkretnom predviđen žalbeni rok od 10 dana od dana prijema zaključka, u kojem roku žalitelj ima mogućnost podnošenja žalbe URŽ-u, nužno je obustaviti postupak dodjele ugovora do konačnog žalbenog ishoda.

Na osnovu navedenog, a u skladu sa odredbama člana 110. Zakona o javnim nabavkama ("Službeni glasnik BiH" broj: 39/14), donesena je odluka kao u dispozitivu.

POUKA O PRAVNOM LIJEKU:

Žalba protiv ove Odluke nije dozvoljena.

DOSTAVLJENO:

- 1 x Svim ponuđačima
- 1 x VD Direktora
- 1 x Pom.dir.za tehn.posl.
- 1x Pom.dir.za razvoj i invest.
- 1 x Komercijalna služba
- 1 x Služba sigurnosti, ZNR, ZOP i ZŽO
- 3 x Članovima Komisije
- 1 x Sekretar Komisije
- 1 x a/a



VD Direktora
Emir Kovač
Kovač Emir, dipl.ecc.